

# **ACTA APOSTOLICAE SEDIS**

## **COMMENTARIUM OFFICIALE**

### **ACTA PII PP. XI**

#### **CONSTITUTIONES APOSTOLICAE**

I

U R B I S

**ERECTIONIS PAROECIAE S. BENEDICTI EXTRA PORTAM S. PAULI**

**P I U S   E P I S C O P U S**

**SERVUS SERVORUM DEI**

**AD PERPETUAM REI MEMORIAM**

Nostri pastoralis officii sollicitudo requirit ut ea, quae in divini cultus augmentum et aptiorem animarum curam cedere noscuntur, a Nobis pro viribus promoveantur et incunctanter adimplere curentur, opportuna media adhibendo ut animarum gubernio salubriter prospici queat. Cum Nos autem propter officium Episcopi huius Aliae Urbis ab aeterno Pastorum Principe Nobis, licet immerito, commissum, spirituale bonum fidelium Romae com- morantium diligenter ac directe curare debeamus, inspectis tum circum- stantiarum et temporum ratione, tum incolarum numero in dies percre- scente, ad novarum paroeciarum erectionem deveniendum censuimus. Iam pluribus abhinc annis in territorio paroeciae Basilicae Patriarchalis S. Pauli extra muros quamplures domus exstructae fuerunt et incolarum numerus illas habitantium magis magisque percrevit, ita ut unus Pastor nequiverit eorum curam habere et propter distantiam inter Basilicam Ostiensem, in

extremis finibus paroeciae sitam, et novas aedes ad moenia Urbana exstru- ctas intercedentem non absque magna difficultate fideles ad ecclesiam acce- dere poterant ad sacra persolvenda, sacrosancta Sacra menta recipienda et catechesim descendam. "Ex iis motus f. r. pientissimus Benedictus Papa decimus quintus, Praedecessor Noster statuit, ut in illa parte dictae paroe- ciae territorii, quae est apud moenia et igitur longe a Basilica, quaedam elementaria schola institueretur in qua pueri ad christianam religionem et bonas artes ^formarentur. Hanc scholam tradidit monialibus, vulgo

« Maestre Pie Pilippini » quae optime mandatum Summi Pastoris adimple- verunt. Deinde ecclesiam ibi aedificari iussit, quam Deo Optimo Maximo ac divo Benedicto Abbatи dicatam voluit. Cum vero incolarum numerus apud hoc novum templum augeri non desiverit, necessitas patuit ut nova paroecia in eo institueretur. Nos igitur, suppleto, quatenus opus sit, quorum intersit, vel sua interesse praesumant consensu, omnibus mature perpensis, praedictam ecclesiam S. Benedicti Abbatis, apud Portam S. Pauli huius almae Urbis, suprema Nostra auctoritate in paroeciam erigimus, ac per praesentes Litteras erectam declaramus, attributis ei territorio a paroecia S. Pauli extra muros dismembrando ac congrua a Nobis adsignanda et aedibus paro- chialibus exstruendis, cum omnibus iuribus, privilegiis, favoribus et gratis\* quibus aliae paroeciae Urbis fruuntur et gaudent. Paroeciam ita noviter erectam pleno iure curae concredimus Piae Societatis Sancti Pauli in Urbe exstanti et Presbyter eidem Societati addictus et rite adprobatus eiusdem parochus erit. Ad novae huius paroeciae fines statuendos, et ad omnia alia decernenda et definienda propter hanc dismembrationem et erectionem\* deputamus venerabilem fratrem Nostrum Basilium, Episcopum Veliter- num, S. B. E. Cardinalem Pompilj, Nostrum in Urbe generalem in spiri- tualibus Vicarium et eidem necessarias huic negotio facultates tribuimus\* etiam subdelegandi alium virum in ecclesiastica dignitate constitutum ac definitive sententiam dicendi de quavis occurrente difficultate vel opposi- tione in exsecutionis actu oritura, imposito ei onere perficiendi, custodiendi in archivo Vicariatus Urbis fidem, authentica forma exarata, absolutae exsecutionis huius Nostri mandati. Quae autem hisce Litteris, Apostolica auctoritate, a Nobis decreta sunt, nulli hominum, nullo unquam tempore, infringere, aut iis repugnare, vel quomodolibet contraire liceat, etiam ex eo quod quilibet, quorum interest, vel sua interesse praesumant aut in praemissis ius, quocumque ex titulo habeant, vel habere praesumant, audit non fuerint, aut praemissis non consenserint. Si quis vero, quod Deus aver- tat, hoc attentare praesumpserit, sciat obnoxium se evasurum esse poenis a sacris canonibus contra obsistentes exercitio ecclesiasticae iurisdictionis statutis. Decernimus denique has praesentes Litteras valituras, contrariis.

quibuslibet non obstantibus, etiam Praedecessorum Nostrorum constitutio- nibus et ordinationibus aliisque peculiari et expressa mentione dignis.

*Acta Pii PP. XI*

*m*

Datum Eomae apud S. Petrum, anno Domini millesimo nongentesimo vigesimo sexto die tertia mensis iunii, in festo Ssmi Corporis Domini Nostri Iesu Christi, Pontificatus Nostri anno quinto.

© B. Card. POMPILJ,

O. Card. CAGIANO\*

*Episc. Velitemus.*

*8. M. E. Cancellarius.*

Dominicus Jorio, *Protonotarius Apostolicus.*

Alfonsus Carinci, *Protonotarius Apostolicus,*

**Loco £8 Plumbi**

*Beg. in Cane. Ap., vol. XXXIV, n. 59. - M. Raggi.*